

INUIT ATAQATIGIIT INATSISARTUNI



23. maj 2025

Inatsisartut Suleriaasianni § 37 naapertorlugu Naalakkersuisunut apequt imaattoq matumuuna saqqummiuppara.

Naalakkersuisunut apequt:

- 1. Naalakkersuisut ilisimavaat, aatsitassanut inatsimmi nutaami, nunatsinni pinnersaasiortut pinnersaasiaminnik nunanut allanut tunisinerminni, ujaqqanik annissuisinnaanermut aammalu tuniniaasinnaanermut uppersaasersuisarnikkut ajornartorsiuteqartarnerat?**

A. Ilisimaneqarpat qanoq uppersaasersuisarneq aaqqiiviginarneqarpa?

- 2. Nunatsinni aatsitassarsiorfinni maannakkut ingerlasuni sulisorineqartut qassiuppat?**

A) Qassit nunatsinnut akileraartarpat??

- 3. Aatsitassarsiorfinni sulisut nunatsinnut akileraartartutt aalakkaasumik akileraartarnerat nakkutigineqarpat?**

- 4. Aatsitassarsiorfinni sulisorisat nunatsinneersut nunatsinnut akileraartartut tamakkiisut sulisoriniarneri ajornakusoortinneqarpa?**

A) Akissut aappiuppat sulisoqarniarnermut ajornartorsiortoqarsimappat suut patsisaappat?

B) Nunatsinnut akileraartartutut sulisoriniarneqarneranut aporfeqartarsimappat naalakkersuinikkut tamanna qanoq iliuuseqarfigineqarsinnaava?

(Inatsisartunut ilaasortaq Mariane Paviassen Jensen, Inuit Ataqtigiiit)

INUIT ATAQATIGIIT INATSISARTUNI



Tunngavilersuut:

Aatsitassanut inatsit annikitsumik aatsitassarsiorfiusinnaasunut inatsip aporfigisimasaa pinnersaasiortut ilaannit apuuneqarpoq. Misilittagarilerneqartoq tassaavoq pinnersaasiaminnik nunani allani najugaqartunut akigisaqartillutik nassiussiniarnerminni ujaqqat nunatsinneersuuneranik uppersarsaatinik tuniniaasinnaanermullu uppersarsaatinik piumaffigineqartarsimanerat, ilaatigullu nassiutereersimasarigaluit pinnersaasiortumut utertinneqartarsimanerat oqaatigineqarpoq, tassunga pissutaatinneqarpoq pinnersaasianik akiginiaanissamut uppersarsaamik peqannginnerarlugit. Maanna tuniniaasut ilaasa najuqarnermut uppersarsaatitik atorlugit tuniniaasariaqarput. Inatsit annikitsumk aatsitassarsiorfunit pitsaasuusoq oqaatigineqarpoq kisiannili akiginiaanermi uppersarsaatimik peqannginneq aporfiunerarneqarluni, tamanna iliuuseqarfigineqartariaqartoq oqaatigineqarluni.

Aatsitassarsiorfinni ingerlasuni kalaallit nunaani najugaqarlutik akileraartartuusut ikippallaarnerarlugit apuusisoqarpoq, sulisorisat kalaaliugaluarlutik Qallunaat nunaanni adresseqarnerarneqartut taamaalillutillu akileraartarnerat nunatsinnut iluaqutaannginnerarneqarluni apuusisoqarpoq taamaammallu isumaqarpungaqulaajarneqartariaqartoq.

Kissaatigaara apeqqutikka ullut suliffiit qulit iluanni akineqassasut.